

Ikastolako kamisetak salgai

Udarregi ikastolako kamisetak Ikastolako idazkaritzan daude salgai. Prezioa 6 eurokoa da. Animatu ikastola egunean kamiseta jantzita etortzera!



Ikastola Eguna

Aurten, **Ikastola Eguna ekainaren 10ean** ospatuko dugu eta egun horretako bazkaria antolatzen hasiak gara. **Maiatzaren 22tik ekainaren 5era bazkari eta ondorengo festarako txartelak idazkaritzan salgai izango dituzue.**

Hurbilago Ostalaritza Taldearen eskutik jarritako menua:

Ikasleentzat:

- Makarroiak tomatearekin, oilaskoa, izozkia, ogia eta ura: **10 €**

Helduentzat:

- Entsalada, oilaskoa, tarta, ogia, sagardoa/ardoa/ura, kafea eta pattarra: **16 €**

Alergiaren bat izanez gero, txartela erosteko garaian, bertan jakinarazi.

Bazkal ondoren, ikasleen musika emanaldia eta OSTOLAZA ETA NARBAIZA trikitilariak izango ditugu.

ETA NON ESERIKO GARA???

13:00etan guraso arduradun batzuk frontoi sarreran egongo dira frontoi eta dema plazaren plano batekin. Familiak taldeka, banaka, binaka, nahi duzuen bezala zuen tiketarekin gerturatu eta beraiek emango dizuete eserlekua.

Aurten ere guztiok elkarrekin bazkalduko dugu, haur eta heldu.

LH 1. mailatik aurrera, ikasleak taldean lagunekin esertzeko aukera izango dute, heldurik gabe. Txartela erosterakoan adierazi behar da. Naiz eta ikasleak taldean eseri, gurasoen ardurapean egongo dira.

Bazkaria 14:00etan hasiko da.



Ekaineko ordutegia

Gogoratu, HH eta LH-ko ikasleen ordutegia ekainaren 5etik 21era (biak barne) 9:00etik 12:30era izango dela. Aldiz, DBH-ko ikasleek ekainaren 1etik 13ra (biak barne) lanaldi jarraia izango dute 14:30ak arte eta ekainaren 14tik 21era 8:25etik 12:30era.



Ekaineko jangelako menuak

Hau da ekainean jangelako bazkaldarrek izango duten [menua](#).

Hauek dira alergia edo intolerantziadun bazkaldarren [menuak](#).



Ekaineko zerbitzuetan izena emateko epea

-Jangela: Ekainaren 5etik 21era eskolak goizez izango diren horretan, jangela-zerbitzuaren erabilera egingo duzuen edo ez jakin nahiko genuke. Hori dela eta, **GAUR AMAITUKO DA** [galdetegi honi](#) erantzuteko epea.

-Arratsaldeko zaintza: ekainaren 5etik 21era Ageri-aldeko eraikinean, goizeko zaintza egiten den gelan, arratsaldeko zaintza-zerbitzua eskainiko da 14:30etik 16:30era, baldin eta gutxieneko kopurua osatzen bada.

Zerbitzuan izena emateko [galdetegi hau](#) betetzeko **GAUR** izango da azken eguna.

Edozein zalantza edo argibidetarako usurbil@ikastola.eus helbidera zuzendu.



Dislexiaren inguruko informazioa

Dislegi elkarteak dislexiaren inguruan familientzako interesgarria izan daitekeen informazioa helerazten dizuegu: [Dislexia zer da?](#) eta [Zer egin familia bezala](#).



Dislegi
Gipuzkoako Dislexia Elkartea
Asociación Dislexia Gipuzkoa

Zirimara: izen-ematea

GAUR amaituko da Zirimara familian (HH 0 – 5 urte), Zirimara (LH1 – 4), multikirola (LH5 – LH6), esku pilota (LH1 – DBH2) eskubaloia (DBH1 – 2) eta futbola (DBH1 – 2) izena emateko epea. Horretarako, [galdetegi hau](#) bete beharko da eta bertan [baimen orri hau](#) bete, sinatu eta ordainketa ziurtagiria txertatu behar dira. Hemen dituzue eskaintza bakoitzaren [ordutegi eta kuotak](#).



Beste iharduera batzuetako informazioa:

- PINTURA ETA ESKULANAK: Izena emateko eta informatzeko: 609413883
- JUDO: Irailean zehar kiroldegiko tatamira azaldu dadila interesa duena.
- GIMNASIA ERRITMIKOA: Izena eman eta informatzeko: info@tximeleta.eus helbidera edo 943-11-63-42 telefonora.
- EUSKAL DANTZAK:
 - LH 1 - 2: 1. TALDEA: astelehena 16:45 - 17:45
 - LH 1 - 2: 2. TALDEA: ostirala 16:45 - 17:45
 - LH 3 - 4: 1. TALDEA: astelehena 17:45 - 18:45
 - LH 3 - 4: 2. TALDEA: ostirala 17:45 - 18:45
 - LH 5 - 6: 1. TALDEA: asteazkena 16:45 - 17:45
 - LH 5 - 6: 2. TALDEA: asteazkena 17:45 - 18:45
- DBH: Urtero bezala, izena ematen dutenekin bilera egiten dugu kurtsu hasieran ordutegia zehazteko. Informazio edo zalantzak: orbeldi.udt@gmail.com
- BOLEIBOL: DBH 1. edo 2. mailan egongo diren ikasleetatik norbaitek boleibol-en izena emateko interesa balu, jar dadila harremanetan eskolakirola@udarregi.eus helbidera idatziz.

Liburutruk 2023/2024

ZER DA LIBURUTRUK?

Sistema honen helbururik nagusia testu-liburuak ahal den ikasturte gehienetan berrerabiltzea da. Hitz Aho Guraso Elkarteak eta Ikastolaren artean koordinatuz egiten da. Ikastola liburuak eskatu, familiei kobratu eta ekaineko azken egunean liburuak jasotzeaz arduratzen da. Bestetik, Hitz Aho Guraso Elkarteak liburuak sailkatzeaz arduratzen da. Sistema hau erabiltzeko arrazoiak:



- 1- Seme-alaben heziketa hobetzea: zenbait balore garatzen lagunduko diegu; besteekiko elkartasuna, guztien gauzak zaintzeko joera, komunitatearekiko lotura, kontsumo arduratsua eta inguruarekiko errespetua,...
- 2- Ekonomikoa: parte hartzen duten familiek liburuetan gutxiago gastatuko dute. Berrerabilgarriak diren liburuen zati bat ordaintzen delako.
- 3- Ekologikoa: liburuak berrerabiltzeak paperaren kontsumoa eta sortutako zaborra gutxitzen du.

Sistema hau LH5. mailatik gorako ikasleentzat da. Beraz, **ikasturte honetan LH4. mailan dagoen norbaitek ez balu parte hartu nahi, usurbil@ikastola.eus helbidera mezua idatzi beharko luke. Horretarako epea GAUR amaitzen da. Gainontzeko mailetakoen kasuan, mezua aldaketarik balego soilik idatziko dute.**

Gogoratu, behin Liburutruken sartuz gero ezingo dela irten, bestela, ordura arte baliatutako hobarien itzulketak egin beharko zaio ikastolari.

Antolaketa horren baitan, hurrengo ikasturteen amaieran, liburuak Ikastolan utzi beharko dituzue eta hurrengo ikasturteetako liburuak eskuratzeaz Ikastola eta HITZ-AHO arduratuko dira.

Ekainaren 16an, parte hartuko ez duela adierazten ez duen familia guztiei, **60 €-ko fidantza** kobratuko zaie eta gerora ez zaie bueltatuko, ez duela parte hartu nahi esaten badu ere.

Elkartasun uholdea behar dugu zubiak eraikitzen jarraitzeko

Ekaitz erauntsiak Herri Urratsen 40. urteurrena ospatzeko geneukan ametsa zapuztu du. Aurten ezin izan da Zuberoko, Nafarroa Behereko eta Lapurdiko ikastolen aldeko jai erraldoia Senpereko lakuaren inguruan ospatu. Eta besta bere handitasun osoan ezin ospatze horrek milaka euroko galera ekonomikoa ekarri dio Seaskari. Nahiz eta Herri Urrats mugatu bat ospatuko zen, bildutako diruarekin ezinezkoa izango da jaiak berak sorturiko gastuei eta Seaskak dituen beharrian handiei aurre egitea. Hori dela-eta, deialdi zabal bat egiten diote euskal jendarte osoari, Seaskari eta Ipar Euskal Herrian euskara ikasteko hautua egiten duen proiektuari aurrera egiten laguntzeko. Horretarako, ekarpen ekonomikoak egiteko bideak zabaldu dituzte. Honako hauek dira:



- herriurrats.eus/denda web orrialdean sartuta eta materiala erosita.
- Bizum bidez (Hego Euskal Herrian soilik). Dohaintzak egiteko atalera sartu, bilatzailean 'HERRI URRATS' idatzi eta ekarpen ekonomikoa eginda.
- Honako kontu korrante hauetan dirua sartuta:
 - Caisse d'épargne FR76 1333 5000 4008 9397 1116 819
 - Laboral Kutxa ES87 3035 0059 8205 9073 1197
 - Kutxabank ES98 2095 5045 8710 6117 7332
 - Crédit Mutuel FR76 1027 8023 8500 0201 4340 107
- herriurrats.eus/laguntza atalean sartu eta PayPal sistema erabilita.

Zure laguntzari eskerrak zubiak eraikitzen jarraitu ahal izango dute, eta jadanik eraikita dauden zubiak indartzen. Euskaraz bizitzen eta ikasten jarraitu nahi dute. Ekaitzak ez ditzan Herri Urrats eta euskara Iparraldean ito, egin dezagun elkartasun uholdea! Aldez aurretik, eskerrik beroena euskal jendarteari, helarazitako elkartasun mezu guztiengatik.

HAUR HEZKUNTZA

Ikastola eguna. HH-koen emanaldia

Dakizuen bezala, ekainaren 10ean ikastola-eguna ospatuko dugu. Egun horretan eguerdiko 12:30ean HHkook gure emanaldia eskainiko dugu Mikel Laboa plazan. Haurrak 12:15ean jasoko ditugu herriko gune hauetan:

HH3koak: Sutegiko sarreran

HH4koak: Olentzero egoten den lekuan

HH5koak: Udaletxean.



Egun horretan haurrak honela jantzita ekarri behar dituzue:

HH3koak: ikastolako mantala jantzita eta lotuta.

HH4koak: kolore batez jantzita eta zapia bizkarrean jarrita. Ikusi gelan duzuen eredia.

HH5ekoak: txuriz edo beltzez jantzita eta kapa jantzita (gelan egiten ditugunean etxera bidaliko ditugu). Zalantzarik baduzue, tutoreei galdetu. Eguraldi txarra egingo balu ikastolako frontoian egingo genuke gure emanaldia eta haurrak gure geletan bertan jasoko genituzke.

Baso-eskola

Datorren astean baso-eskolako azken Saioa egingo dugu. Hurrengo buletinean jakinaraziko dizuegu jantziak noiz ekarri behar dituzuen.



LEHEN HEZKUNTZA

Irteerak

❖ LH2. Maila

Maiatzaren 30ean LH2. mailako ikasle eta irakasleak gaua pasatzera joango gara TXURRUKAra.

❖ LH4. Maila

Datorren Ostiralean (Ekainak 2) LH4-ko ikasleak Orioko hondartzara joango dira trenuz eguna pasatzera. Eguraldiak lagundu ezean, abisua pasako genuke eta irteera bertan behera geratuko litzateke.



❖ LH 6. Maila

LH6. mailakook ZUHATZARA egingo dugu 3 eguneko irteera, maiatzaren 31tik ekainaren 2ra. Ostiralean, arratsaldeko 17:00ak inguruan iritsiko gara Kiroldegi parera.

DBH

Liburutruk 2023/2024

Liburutrukeko arduradunen partetik eskaera bat iritsi da. Bolondresak behar dituzte DBHko erabiltzaileen artean jasoketa eta banatze lanak egiteko ikasturte amaieran eta hasieran. Lan horiek 2 egunetan egingo lirateke (ekainaren 26an eta irailaren 4an) eta 3 orduko lana eskatuko luke. Lan karga handia izan ohi da gutxi batzuk egiteko eta askoren artean lana asko arintzen omen da.

Gela bakoitzetik bina bolondres aterata nahikoa lukete lana aurrera ateratzeko. Bolondresik aterako ez balitz, erabiltzaileen artean zozketa egingo da, bestela, ezinezkoa baita lan horiek aurrera ateratzea. Mila esker, alde zuzenetatik.

Guraso elkartea



Irteera kobrantza

DBH3-ko ikasbidaiaren bigarren kuota pasako zaizue datorren ostiralean, ekainak 2. Ordainketa **48,50 €**-koa izango da eta horrekin ikasbidaia ordaindutzat emango da.

